



2020 yil «24» июль

№ 517-К

Jomboy sh. – г. Жамбай

«Самарқандйўлкўкалам» унитар корхонасига энгил конструкцияли иссиқхона, ётоқхона ва қоровулхона қуриш учун 2,0 гектар ер майдонини танлаш ва ажратиш тўғрисида

Ўзбекистон Республикасининг "Ер кодекси"нинг 6,34-моддаларига ҳамда Ўзбекистон Республикаси Вазирлар Маҳкамасининг 2019 йил 25 февралдаги "Тадбиркорлик субъектларига ажратилган ер учаскаларида мева-сабзавот маҳсулотларини бевосита уларни етиштириш жойларда суғориш, таёрлаш ва сақлаш бўйича энгил конструкцияли инфратузилма объектларини қуриш учун ер учаскаси ажратиш тартиби тўғрисида" ги 167-сонли қарорига асосан, вилоят Экология ва атроф-мухитни муҳофаза қилиш бошқармасининг 2019 йил 12 августдаги 725-сонли экологик экспертиза хулосасини, туман ФВБ бўлимининг 2020 йил 22 июндаги 88-сонли, Жомбой туман Давлат санитария-эпидемиология осойишталиги марказининг 2020 йил 8 июльдаги 01/635-сонли техник шартини, туман Қишлоқ хўжалиги бўлимининг 2020 йил 10 июльдаги 01-02/244-сонли, туман Ирригация бўлимининг 2020 йил 26 июндаги 52-сонли хулосаларини, Жомбой туман "Сўхмон" маҳалла фуқаролар йиғинининг 2020 йил 9 июльдаги хатини, «Самарқандйўлкўкалам» унитар корхонасининг мавжуд 328қ-контуридан энгил конструкцияли иссиқхона, ётоқхона ва қоровулхона қуриш учун 2,0 гектар сувли экин ер майдони ажратиш тўғрисида"ги хатини кўриб чиқиб

ҚАРОР ҚИЛАМАН:

1. Жомбой туман ер танлаш давлат комиссияси аъзоларининг далолатномаси тасдиқлансин ва М.Улуғбек массивида жойлашган «Самарқандйўлкўкалам» унитар корхонасига берилган ер майдонларидан 328қ-контуридаги жами 2,0 гектар сувли экин ер майдони энгил конструкцияли иссиқхона, ётоқхона ва қоровулхона қуриш учун ер майдони ажратилсин.

2. Иссиқхона қурилишида ер майдонларида ер ости иншоотларига 0,5 метрдан кўп бўлмаган, бузиб олиб (бартараф этиб) кўчириш имконияти бўлган (тайёр пойдеворлардан фойдаланиш), капитал ҳисобланмаган иншоотлар қуришга рухсат этилиб, қолган ҳолларда қурилган хар қандай бино ва иншоат қурилганда мазкур қарор бекор булишига сабаб бўлишлиги қайд этилиб унитар корхонаси директори А.Раджабов ушбу банд билан огохлантирилган деб ҳисоблансин.

3. Туман Ер ресурслари ва давлат кадастри булими (Ж.Турсунов)га ушбу қарор вилоят ҳокимлигидан тасдиқлангандан сўнг, туманнинг ер балансига тегишли ўзгартириш киритиш вазифаси топширилсин.

4. «Самарқандйўлкўкалам» унитар корхонаси директори А.Раджабовга лойиҳа ҳужжатларига буюртма бериш ва АРТ ҳужжатлари тайёрланганидан сўнг қурилиш ишларини олиб бориш топширилсин.

5. Туман бош Архитектори (И.Рашидов)га лойиҳа ҳужжатлари ва бошқа Архитектура талаблари ҳужжатларини расмийлаштиришда амалий ёрдам бериш ва қурилишни лойиҳа асосида боришини назоратга олиш вазифаси топширилсин.

6. Ўзбекистон Республикаси «Ер кодекси»нинг 36-моддаси 6-бандига асосан белгилангандан бошқа мақсадларда фойдаланилганда (ноқонуний, рухсатсиз қурилишлар қурилганда, доимий пойдеворли девор ва бино қурилганда туман ва вилоят ҳокимининг қарорисиз кўп йиллик дарахтзорлар барпо этганда), 10-бандига асосан қишлоқ хўжалиги эҳтиёжлари учун бериб қўйилган ер участкасидан бир йил мобайнида фойдаланилмаганида ер участкасига бўлган ҳуқуқ бекор бўлиши юзасидан "Ер кодекси"нинг 38-моддасига асосан А.Раджабов огохлантирилган деб ҳисоблансин.

7. Ушбу қарорни тасдиқлаш вилоят ҳокимидан сўралсин ва вилоят ҳокимининг тасдиғидан сўнг қарор кучга кириши белгилансин.

8. Мазкур қарорнинг бажарилишини назорат қилиш туман ҳокиминг ўринбосарлари А.Икромов ва Х.Хамраев зиммаларига юклатилсин.

